



Publicaziuns dalla vischnaunca, jamna 19

Damonda da baghegiar

Nr. 2010-1026

Datum da publicaziun: ils 14 da matg 2010

Il patrun: Florentin Tenner-Gysin, Via Prau 2, 7180 Disentis/Mustér

Il representant: Florentin Tenner-Gysin, Via Prau 2, 7180 Disentis/Mustér

Object: Sanaziun dalla tegia, parcella 2952, Plaun Menisch, 7186 Segnas

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 6-5-2010

Uffeci da baghegiar Disentis/Mustér

Damonda da baghegiar

Nr. 2010-1027

Datum da publicaziun: ils 14 da matg 2010

Il patrun: Martin Flepp, Via Clavaniev 3, 7180 Disentis/Mustér

Il representant: Martin Flepp, Via Clavaniev 3, 7180 Disentis/Mustér

Object: Spazzar il baghetg d'economia e construir in access niev, parcelas 1423 e 1052, Via Clavaniev 4, 7180 Disentis/Mustér

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 11-5-2010

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2010-1018

Pendicularas Mustér SA, Via Acletta 2, 7180 Disentis/Mustér; spazzar il baghetg existent «ti-pi» e reconstruir in niev baghetg da restauraziun, parcella 2539, Gendusas, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 11-5-2010

Uffeci da baghegiar Disentis/Mustér



**Sanaziun dalla casa communal
Informaziun publica**

Gievgia, ils 27 da matg 2010 allas 20.15 en halla Cons

Ils 13 da zercladur 2010 ha la cuminonza dils votants da decider davart il credit per la sanaziun dalla casa communal.

Per saver informar vischins e vischinas detagliadamein sur da quella fatschenta, arranschan las autoritads communalas ina orientaziun publica.

In e scadin ei cordialmein envidaus.
Suprastonza communal

Novs burgheis

En concordanza cun las autoritads cantunalas e federalas ha la vischnaunca burgheisa concediu als fargliuns – *Arlinda Abduli*, 1989 ed *Ylber Abduli*, 1987 (concediu dalla vischnaunca burgheisa ils 21 d'october 2009, consentiment da Cantun e Confederaziun ils 4 da matg 2010) il dretg da burgheis dalla vischnaunca da Mustér.

Nus selegrein d'astgar beneventar els en nossa cuminonza da votantas e votants e giavischein ad els tut bien.

Suprastonza communal

**Vischinadi Mompé Medel
Radunonza generala**

Sonda, ils 22 da matg allas 20.15 el local dalla stalla dad Armin Manetsch a Mompé Medel.

Cordialmein envida
la suprastonza

Cussegl pastoral / Cerchel social-caritativ

Nus envidein nossas senioras e nos seniors ad ina devoziun en la caplutta s. Glieci a Disla e silsuentar ad in sitg en l'ustria Fravia **gievgia, ils 27 da matg allas 14.00.**

Tgi che giavischa transport sa s'annunziar tier Laurenzia Schnoz, 081 947 58 27 / 076 445 84 58 ni tier M. Louise Deflorin, 081 947 53 73 / 079 479 79 18.

Preavis: Nies viadi ha liug ils **24 da zercladur.**

Nus fagein ina viseta alla catedrala renovada a Cuera e silsuentar gudin il gentar ed enzacontas uras el Principat da Liechtenstein. Detagls pli tard.



**Uniun fallun e cascharia Disla/Mustér
Di svizzer dils mulins**

Il di svizzer dils mulins ha liug uonn **sonda, ils 15 da matg 2010** dallas 10.00–19.00.

- Il fallun vegn mess en funcziun
- Prender investa dil mulin vegl, stiva da filar sco era la cascharia
- Ustria sil plaz

Ha enzatgi utensils vegls che vegneven duvrai en connex cun luvrar si glin ni en cascharia? Tel. 081 947 48 78.

Bien engraziament e sin seveser
la suprastonza

**Societad da tir Desertina
Tir obligatori 2010**

Gliendisdis Tschuncheismas, ils 24 da matg 2010 dallas 17.00–20.00
Dumengia, ils 22 d'uost 2010 dallas 17.30–19.00

Il tir Obligatoric ha liug a Sedrun, la Resgia. Mintga gievgia naven dallas 18.30 ei tir liber dalla societad da tir Desertina entochen il davos da zercladur, ils 24-6-2010.

La suprastonza

Uniun samaritana Mustér: Cuors BLS-AED

L'Uniun samaritana Mustér porscha il niev cuors da reanimaziun BLS-AED. (Reanimaziun cun applicaziun dil defibrilatur automatic.)

Datum: **Sonda, ils 29 da matg 2010**

Temps: 8.30–11.30 / 13.30–16.30

Liug: Casa da scola Mustér

Annunzias: Ein da far entochen ils **20 da matg 2010** tier Yvonne Flepp, tel. 081 947 50 35

e-mail: yvonne.flepp@kns.ch

Uniun samaritana Mustér

**Uniun da dunnas Medel
Cuors da velo per in e scadin**

Mira sut Medel.

Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca



Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
